

Kavamatkunnin Tuhaqtitaudjutikhaq

Nunaqaaqaaqtuni AIDSkut Qaujijimanirnun Havainiq 2024

Aullagtirvia Ublua: Tisaiba 3, 2024

Nutgarvikhaa Ublua: Tisaiba 6, 2024

Nunavut-tamaat

60 sec

Nunaqqaqtuni AIDSkut Qaujihimanirnun Havainiq piliqtuq Tisaiba 1-7, 2024. Una havainiq pivikhaq qaujihimadjutikhanun mighaagun HIVmik, nuliarutikkut hiamitpaktuq imaalu aukkut-aulajuq aannialaquti hakuiqtittaaqtuq timiup auladjutaanik. Qilamik ilitturigaangat havauhiqtuidjutaaniklu, HIV munarittiaqtauttaaqtuq, ikajuutiupluni hivumuudjutaanun AIDSmun ikajuqhugulu tamainnik inuuhirittiarutinun.

HIV unalu AIDS aktilaangi Nunavunmi ikittut, kihimi nuliarutikkut aannalaqidjutit (STIs) imaatun chlamydia, gonorrhea, syphilis-lu amigaittun pidjutittaaqtullu qajangnaqtunik aannialaqidjutinik. Havauhiqtaungitpat, ilangit STIs pidjutittaaqtun nutaranilimaiqlutik, qaritami aannirutinik, uummallirutinik, tuqudjutinikluunniit.

Nuliajukkuvin, akhuurnagtug ihivriughiqtaulutin STInun, umungalu syphilis-mun:

- Ilihimaliruvín mihingnaqtunik imaátun kilaarutínik aallangajunikluunniit maqídjutínik.
- Nulíaqtiníni nutaamik píqatíkharnun.
- Tamainni píngahuni imaaluunniit síksínun tatqíqhiutinun atuqhimáittumik aannílaqíttailídjutíkhánik píqaruvín atauhíinaungíttumik nulíaqatímik, imaaluunniit píqatí píqarungnaqhíkpat aallánik nulíaqatímíngnik.

Aanniaqtailinirmut Havagvia pilik aturutikhanik ikajuutikhat Nunavumiunnun uqaqatigijaami piqatimingnun, aanniaqtailinirmut havaktiit, nutaqqanullu mighaagun nuliarnikkut, qajangnaitukkut nuliartinik, nuliarnikkut angirutinik, ukunanilu STI-kut pittailidjutannik ihivriughidjutiniklu. Aturutikhat nalvaaqtauttaagtut uvani [I Respect Myself](#) garitaujakkuurutimi.

Akiittut angutinun arnanullu puukhat, ukuallu kinidjutikhat, hailihimajun munaghitkunnin aallaninlu nunallaani humiittuni. Ilitturijuummiqlutin STIs-tigun, takulugu una [I Respect Myself garitaujakkuuruti](#) uqagatigilugilluunnit munaghitkut.

###

Tuhaqtipkainikkut Uqarvigijakhaq:

Pierre Essoh
Tuhaqtipkainikkut Ajuittuq
Aanniaqtailinirmut Havagvia
867-975-5712
HEACommunications@gov.nu.ca

ᑭᓄᓐᓂᓐᓂᓐ ᑕᓕᓕᓐᓂᓐ ᓂᓐᓂᓐ, ᓂᓐᓂᓐ ᓂᓐᓂᓐ ᓂᓐᓂᓐ ᓂᓐᓂᓐ www.gov.nu.ca.
Public Service Announcements are available in Inuktitut, English, Inuinnaqtun and French on www.gov.nu.ca.
Kavamatkunnin Tuhaqtitaujukhat hailihimajun Inuktitut, Qablunaatun, Inuinnaqtun Uiviivitigunlu uvani www.gov.nu.ca.
Les messages d'intérêt public sont disponibles en inuktitut, en anglais, en inuinnaqtun et en français au www.gov.nu.ca.

Tuhaqtipkaijiit